

## **Rinanoan kanoan te reirei**

### **Te reirei**

- 1. E reireinira te bwai ni kabane aika ti riai n atai n te aro bwa tin a kona ni karaoa ae tangiria te Atua**
- 2. Ti riai n tou mwin ana taeka Kristo n te Nutetemanti ao n aki ikotia ma te tua n te Otetemanti**
- 3. Te ongotaeka ni koaua boni karaoan ae tangiria te Atua ao akea riki**
- 4. Uean te Atua bon ana ekaretia Iesu are e kateia**
- 5. Iesu Kristo bon atun te ekaretia ao e tautaeka ni bwai ni kabane aika karaoaki inanona.**

## Reirei 6- Nebonebo n taromauri inanon te ekaretia

### Mwakuri 20:7

Ao ni bongin te wiki are te moa ni bong, ngke ti botaki n tabeutai bwaerena, ao e reireia Bwauro, ao iai nanona bwa e na nako n te ingabong; ao e kananaua ana taeka ni kanukanibonga

**Tabeutan bwerena boni karaoan kauringan te Uea. Iesu ngke E karaoa te kauring aei ao E tabeutai bwerena ao E tataro ni kakabwaia. (Mataio 26:26).**

1. Tera te bong are a botaki iai reirei?
  - A. Moani bongin te wiki
  - B. Te ka itibong n te wiki
2. Tera ae karaoia Bwauro?
  - A. E anene
  - B. E kabwarabwara
3. Tera bukin rokoaia?
  - A. A karaoa ana toa te Uea
  - B. A tangitang ibukia kain Rom




1. A 2. B 3. A

1Korinto 11:18-26

18 bwa aio moa, ngkana kam botaki n te ekaretia, ao i ongo bwa iai taian raure iroumi; ao I taku bwa iai te koaua iai n te rongorongone ane. Bwa a bon roko taiani koraki iroumi, bwa aonga n ataki ibuakomi akana a tia ni kataki bwa raoiroi. Ma ngaia aei, ngkana kam botaki, ao ka maki kona ni kana ana toa te Uea. Bwa ngkana e amwarake te aba, ao anai moa kanaia aomata n tatabemania nako; ao e baki temanna ao e manging temanna. Bwa akea ami auti aika kam kona n amwarake ma ni moi iai? Ao kam taku bwa akea bongan ana ekaretia te Atua, ao kam kamamaia akana akea aia bwai? Tera ae N na atonga nako imi? N na kamoamoaingkami n anne? I aki kamoamoaingkami. Bwa I anganaki iroun te Uea te baere I anganangkai naba, bwa E ana te bwarena te Uea are Iesu n te bong are E kamwaneaki iai; ao ngke E a tia n tataro ni katituaraoi, ao E tabeutaia, ao E kangai, rabwatau te baei, ae tabeutaki ibukimi: kam na karaoa aei bwa kanuringau. Ao E ana nab ate mwangko n te aro naba arei, ngke a tia n amwarake, ao E kangai, te mwangko aei te berita naba ngkai inanon rarau: kam na karaoa aei, ngkana kam moi iai, bwa kanuringau. Bwa ngkana kam kana te bwerena aei, ao ngkana kam moi n te mwangko aei, ao kam kaota maten te Uea ni manga karokoa.

4. E taetae Bwauro nakoia ngke aera?  
A. A kamatebwai ni mwengaia  
B. A bane ni botaki
5. Ngke a botaki n te ra?  
A. Te ekaretia  
B. Aia utu
6. E anganaki Bwauro iroun antai kaetieti aikai?  
A. Betero  
B. Iesu
7. N te kibu 24 tera moa ae ana anaia?  
A. Te bwerena  
B. Te mwangko
8. Tera ae tei ibukin te Bwerena?  
A. Rabwatani Kristo  
B. Raran Kristo
9. Tera are e tei ibukin te mwangko  
A. Rabwatani Kristo  
B. Rarani Kristo
10. Tera ae karaoia Iesu imwin ae E ang ate bwerena ao I mwain ae e ang ate mwangko  
A. Tataro  
B. Anene



**Ngkana ti okira te tai are E karaoa iai te toa te Uea are Iesu, ao anne are e reirei iai Bwauro bwa tin a karaoa are E karaoia Iesu ni moani bongin te wiki. Bwa akea te bwai ae kaotaki n te Nutetemanti ae kaokoro ma taekan te kauring n amwarake aei. Ma ngaia are te ekaretia e karaoa naba aron aio ngkana a botaki ni kauringa marakin Iesu ao matena n te Tabati**

## 1 Korinto 16:1-2

I Ao aio taekan te angabwai ibukia ake a itiaki akekei, aron are I tuangia taian ekaretia ake I Karatia, ao ai aromi naba bwa kam na kakairi irouia. Ni moani bongin te wiki ae koraki, ao kam na bane ni kaikoa iroumi n aiaron ae tetekeraoimi, bwa e aonga n aki anganga bwai te aba ngkana I roko.

11. Aio tuan te anga ae riai karaoana?  
A. Eng  
B. Tiaki
12. Tera te bong ae ti riai ni karaoa iai te anga?  
A. Moani bongin te wiki  
B. Te kaitibong
13. Antai aika riai ni karaoa te anga?  
A. Aomata aika kaubwai  
B. Ni kabane aomata
14. Tera arora n anga?  
A. Man tetekeraoira  
B. Te kabuia ni bwai
15. Iai taekan te kabuia ni bwai?  
A. Eng  
B. Tiaki



## 2Korinto 9:7

E na angabwai te aomata n aiaron are e karekea nanona iai, n aki rawawata, ao tiaki n aiaron ae e tebonaki bwa e na anga: bwa te Atua E tangira te aomata ae e waerake nanona ni kan angabwai.

**Tebonaki:** Taumatoaaki

**Tetekeraoim:** Kakabwaiakim  
ae am karekemwane

**Te tua n te Nutetemanti ke te berita ae boou ibukin te angabwai bwa e riai ni katoa Tabati, bwa taani korea te Nutetemanti a bon aki taekina te kabuia ni bwai iaoni bwai ake ti rinei bwa ara kabuia ni bwai, ma ti bon ti kabaeaki bwa ti riai ni karaoa ara anga ma te nano ae raoiroi n airon kukurein nanora n ana kakabwaia te Atua nakoira n tatabemanira nako.**

11. A 12. A 13. B 14. A 15. B

**1 Korinto 14:15**

Ao tera? N na tataro n tamneiu, ao n na tataro naba ae e na ataki au tataroiai: N na anene n tamneiu, ao N na anene naba n te aro ae e na ataki au anene iai.

16. Tera 2 bwai aika a karaoaki n te taromaui n nebonebo?

- A. Te tataro ao te anene
- B. Te tataro ao te bwi ni katangitang



**Iai 2 bwai aika riai ni karaoaki n te nebonebo n taromaui bwa te tataro ao te anene**

16. A

**Ebeto 5:19**

Kam na i taetae, temanna nakon temanna, n taian areru ma anene ma kuna aika bwain te tamnei, n anene mani katangitang n nanomi nakon te Uea.

**Ikorote 3:16**

E na kabatiaki maekan ana taeka Kristo inanomi; ao kam na ireirei ao kam na ituatua n te rabakau ni kabanea, n taian areru ma anene ma kuna aika bwain te tamnei, n anene, ma tea koi inanomi, nakon te Atua.

**Taiani bwai ni katangitang aika E kariki te Atua boni bwanaia ana aomata, ao bon ti anne ae riai ni kabonganaki n te ekaretia. Ma taiani bwai ni katangitang aika a karaoaki ni baia aomata e bon aki tau ngkai tiaki anne ae tangiria te Atua bwa e na kabonganaki nakon te Atua**

**A bon ti katauaki Kiritian bwa a na anene temanna nakon temanna. N tain neboan te Atua. Akea ae katauaki bwa e na anene ibukin temanna ma bon te bane n anene, ngkai bon akea naba taekan te kuaea n te taromaui, bon ti bwanara ae kan ongo te Atua ao akea riki. Akea ana taeka Iesu bwa tin a kabongana te bwai ni katangitang n ana ekaretia.**

17. Antai aika a na itaetae ni kuna ao tain anene?  
 A. Aomata aika a bwana raoi  
 B. Aomata ni kabane
18. A na katangitangaki kuna ma anene n tera?  
 A. inanomi  
 B. ni bwaini katangitang

19. Tera ae e riai ni karaoaki iroun te manna ma te manna ngkana anene?  
 A. Te reirei ao te kakauring  
 B. Te kamataku
20. Iai taekan te bwai ni katangitang ae e na kabonganaki?  
 A. eng  
 B. Akea

	Bwanam	Taiani bwai ni katangitang
Anene ni wiim	✓	X
Itaetae ni miim	✓	X
Anene ni wiim	✓	X
Reirei ni wiim	✓	X
Kauring ni wiim	✓	X

17. B 18. A 19. A 20. B

### **1 Korinto 14:34**

Ao aiaron te katei n aia ekaretia Kiritian ni kabaneia, ana tai taetae aine n taini botakin te ekaretia; bwa e aki riai bwa a na taetae, ma ana tauaki aroia, n aiaron ana taeka te Tua.

**Te bwai ae riki ikai, Bwauro e taekini bwai aika uoua n teuana te tai, bwa te taetae ao te reirei, ao ikai are e taku te Atua bwa aine a riai n aki karaoa anne. A boni kona n anene ma aki riai ni kairiri ao n taetae n tain te taromaui.**

**N 1 Korinto 11:2-16, ao e taekina rabunan te atu Bwauro are a bwainna aine, ao e motika te maroro aio n te kibu 16 n airon ae kangai: “Ma ngkana e taku temanna bwa e kani kauntaeka, ao akea te aro aei irouna, ao akea naba n ana ekaretia nako te Atua.” Rabunan te atu bon te kanganga ti ibukin te katei ma te rikia. Ao aio e aki rota aron te ekaretia. E bon aki naba anga taekaia aine bwa a na taetae n tain te taromaui. Aio aron ae ti ataia iai bwa aron are a tuangaki aine bwa a na kainabwabu n te ekaretia e bon aki irekereke ma te tai are a kakaraoia bwa kateia ma bon ana taeka te Atua.**

21. Tera ae e riai karaoana irouia aine n te ekaretia?

- A. A na teirake
- B. A na aki taetae

22. A riai aine ni kaira te taromaui ao te nebonebo n te ekaretia?

- A. Eng
- B. Tiaki

21. B 22. B

**Mareko7:7**

Ma akea manen taromauriau irouia, ngkai a reirei aia tua aomata bwa aia taeka n reirei.

23. E kona ni kakeaki bongan te taromauri?  
A. eng  
B. tiaki
24. Tera ae karika kakeani bongaan te taromauri?  
A. Karaoan bwai aika e tangiri te Atua  
B. Karaoan bwai aika a tangiria aomata

**Akea manen: Akea bonganana**



23. A 24. B

**Ngkana a moana aia reirei aomata ni bwai aika akea taekaia n te Bwaibara ae ana taeka te Atua bwa a na taromauria iai, ao mai ikai are a boni karaoa are itinaikun ana taeka Iesu. Karaoan are e aki tangiria Iesu ae atun te ekaretia boni kabuakakan ana taromauri.**



**Ana toa te Uea**




**Ane**

**5**

**Karaoa am anga  
n airon ae ko  
namakinna bwa  
ko a tia ni  
kakabwaiaki iai**

**Tataro**

**Ongora te reirei man  
ana taeka te Atua are e  
koreaki**



**N taromaui are e kabwarabwaraki taekan n te Nutetemanti, ao ti wareki taekani bwai aika ti 5. Bwa ti riai n taromauria te Atua ni bon oin ana kawai ae tangiria, ao ti karaoi aikai ni kabane ni moani bongin te wiki n akea te bwai ae karakaaki nako iai.**